

---

**COMUNICÂT STAMPE**  
**AI 3 DI MAI IL TIERMIN PES DOMANDIS**  
**BANT PAR 40 INTERVISTADÔRS**  
**PAR METI ADUN I DÂTS DAL GRANT SCANDAI SUL FURLAN**  
**Tal studi dal Ateneu di Udin tamesâts 72 Comuns e 1200 personis**

Udin, ai 30 di Avrîl 2013 – La Universitât di Udin e je daûr a cirî cuarante intervistadôrs – dome une competence e je obligatorie, ven a stâi la cognossince scrite e orâl de lenghe furlane – par meti adun i dâts dal grant scandai che al è stât comissionât de ARLeF - Agenzie regionâl pe lenghe furlane al Ateneu furlan cu la finalitât di scâtâ la fotografie inzornade su usancis, compartaments, opinions, cognossincis e ûs leâts ae lenghe furlane.

Il bant par cjatâ il personâl – la lauree e je considerade un titul preferenziâl – al scjât aes 13 di vinars ai 3 di Mai 2013.

Lis domandis a van mandadis par pueste o fatis rivâ (ancje a man) al dipartiment di Siencis Umanis de Universitât di Udin, vie Petracco 8, 33100 Udin. De comission di valutazion a fasin part i docents Bruno Tellia, Bernardo Cattarinussi e Claudio Melchior. La vore e rivuardarà trente intervistis e la racuelte di dâts de durade di doi mê, par une paie di 750 euro sporcs. Dutis lis informazions si puedin cjatâ sul sît de ARLeF [www.arlef.it](http://www.arlef.it) o dal ateneu [www.uniud.it](http://www.uniud.it). A saran mil e dusinte lis personis cjadadis dentri te rilevazion par mieç di un cuistionari strutturât che al vignarà presentât cun intervistis personâls che si davuelzaran par talian o par furlan a cjase dal intervistât. I intervistadôrs a tocjaran 72 Comuns dal Friûl: 32 in provincie di Udin, 20 in chê di Pordenon e altris 20 in chê di Gurize.

*Elisabetta Pozzetto*

Regjon Autonome Friûl Vignesie Julie

[ARLeF – Agenzie Regionâl pe Lenghe Furlane](http://www.arlef.it)

0039 0432 555724 fax 0432 204158 mob 0039 335 8002058